

ԳՈՐԾԱԴԻՐ

ԳԻՐԳԻ ԿՎԻՐԻԿԱՇՎԻԼԻՆ ՅՐԱԺԱՐԱԿԱՆ ՏՎԵՑ

Հունիսի 13-ին Վրաստանի վարչապետ Գիորգի Կվիրիկաշվիլին հրաժարական տվեց:

Այդ նպատակով հատուկ հրավիրված ճեպասուլիսում Գիորգի Կվիրիկաշվիլին ներկայացրեց հունիսի 12-ին տեղի ունեցած իշխող քաղաքական ուժի հանդիպման մանրամասները:

- Ինձ համար այս պաշտոնը միշտ եղել է միայն ու միայն մեծ պատասխանատվություն: Միշտ փորձել եմ, որպեսզի այս պատասխանատվությունը մեծ հարգանքով կրեմ այս ամբողջ ընթացքում: Ես փորձել եմ լինել յուրաքանչյուր քաղաքացու վարչապետը: Այո, ընդունել եմ այնպիսի որոշումներ, որոնք ի վնաս ինձ է եղել, սակայն միշտ, ամբողջ սրտով հավատացել եմ հավատում եմ, որ բոլոր որոշումները, բոլոր քայլերը թելարված են եղել իմ հայրենիքի բարեկեցության համար: Խնքում տեսա տարբեր տեսակետներ, այդ իսկ պատճառով որոշումն կայացրի, որն էլ իմ իրավիճակում պետք է ընդունի յուրաքանչյուր երկրի ղեկավար: Այսօր ես թողնում եմ այս պաշտոնը, - ասաց Գիորգի Կվիրիկաշվիլին:

Նա ներկայացրեց նաև իշխող քաղաքական կուսակցության նախօրյակին կայացած հանդիպման մանրամասները: - Իմ եւ թիմի ղեկավարների տեսակետները տարբեր են: Հատկապես քննարկվեցին իմ գլխավորումով (Շարունակությունը՝ 2-րդ էջում)



ԿԱՌԱՎԱՐՈՒԹՅՈՒՆԸ ԿԳԼԽԱՎՈՐԻ 36-ԱՄՅԱ ՄԱՍՈՒԿԱ ԲԱԽՏԱԶԵՆ



Հունիսի 14-ին, երկրի վարչապետի պաշտոնից Գիորգի Կվիրիկաշվիլու հրաժարականից հետո, կայացավ խորհրդարանական մեծամասնության հանդիպումը, որը քննարկեց նոր վարչապետի թեկնածության հարցը: Հանդիպմանը ներկա էին «Վրացական երազանք-ժողովրդավարական Վրաստան» կուսակցության քաղաքական խորհրդի անդամները՝ կուսակցության նախագահ Բիծինա Իվանիշվիլու գլխավորությամբ:

Քննարկման արդյունքում խորհրդարանական մեծամասնությունը միաձայն որոշեց վարչապետի պաշտոնի համար Վրաստանի նախագահին ներկայացնել Վրաստանի ֆինանսների նախարար, 36-ամյա Մամուկա Բախտաձեի թեկնածությունը: - Սահմանադրության համաձայն, խորհրդարանական մեծամասնությունը որոշել է Վրաստանի վարչապետի պաշտոնում առաջադրել Մամուկա Բախտաձեին: Թիմը միաձայն աջակցել է նրա թեկնածությանը: Վստահ եմ, որ, Մամուկա Բախտաձեի ղեկավարությամբ, Վրաստանի կառավարությունը հաջողությամբ կապահովի երկրի առաջընթացը, - հայտարարեց մեծամասնության առաջնորդ Արչիլ Թալալվաձեն:

(Շարունակությունը՝ 2-րդ էջում)

ՎԱՐՉԱՊԵՏԻ ԹԵԿՆԱԾՈՒՆ ՆԵՐԿԱՅԱՑՐԵՑ ԳՈՐԾՈՒՆԵՈՒԹՅԱՆ ԳԵՐԱԿԱՅՈՒԹՅՈՒՆՆԵՐԸ

Վրաստանի խորհրդարանական մեծամասնության կողմից հանրապետության վարչապետի պաշտոնում առաջադրված Մամուկա Բախտաձեն շնորհակալություն հայտնեց իր նկատմամբ ցուցաբերած վստահության համար եւ հայտնեց, որ խորհրդարանին կներկայացնի մի քանի սկզբունքների վրա հիմնված իր տեսլականը:

- Ես խորհրդարանում հանդես կգամ իմ տեսլականով, որը հիմնված կլինի հետևյալ սկզբունքների վրա: Առաջին՝ վրաց ժողովրդի պատմական ընտրությունը ավարտին հասցնելը եւ Վրաստանի լիարժեք ինտեգրումը եվրատլանտյան տարածքում: Այս տեսակետից «Վրացական երազանքը» ավելի շատ հաջողություններ ունի, եւ այդ հաջողությունները պետք է խորացնել ու ամրապնդել:

Երկրորդ՝ նորարարական ու հիմնարար բարեփո-



խումներ կիրականացնենք անհրաժեշտ բոլոր ուղղություններով: Այդ բարեփոխումների արդյունքում մենք կծեւավորենք նոր տնտեսական մոդել՝ խա-

(Շարունակությունը՝ 2-րդ էջում)

ՀԱՅԱՍՏԱՆ - ԱՊՐԲԵՋԱՆ

ՄՈՍԿՎԱՅՈՒՄ ԿԱՅԱՆԱՎ ՆԻԿՈԼ ՓԱՇԻՆՅԱՆԻ ԵՎ ԻԼԶԱՍ ԱՆԻԵՎԻ ԾԱՆՈԹՈՒԹՅՈՒՆԸ

Մոսկվայում, «Լուժնիկ» մարզադաշտում, ֆուտբոլի աշխարհի առաջնության առաջին խաղից հետո, Ռուսաստանի Դաշնության նախագահ Վլադիմիր Պուտինը միմյանց ծանոթացրեց Հայաստանի վարչապետ Նիկոլ Փաշինյանին եւ Ադրբեջանի նախագահ Իլհամ Ալիևին: Այս մասին «Ֆեյսբուք»-ի իր էջի ավանդական ուղիղ եթերի միջոցով տեղեկացրեց Հայաստանի վարչապետ Նիկոլ Փաշինյանը:

- Ֆուտբոլային հանդիպումից հետո, Ռուսաստանի նախագահը փոքր ընդունելություն էր կազմակերպել ԱՊՀ երկրների ղեկավարների ձեռնագրով,



այնտեղ ներկա էր նաև Ադրբեջանի նախագահ Իլհամ Ալիևը: Ռուսաստանի նախագահը մեզ ծանոթացրեց: Մենք պարզապես ծանոթացանք: Դա նույնպես տեղեկատվություն է, որ դուք պետք է իմանաք: Որեւէ այլ խոսակցություն, բովանդակային շփում տեղի չունեցավ, - ասաց Նիկոլ Փաշինյանը:

ՄԻՋԱԶԳԱՅԻՆ ՀԱՆՐՈՒԹՅԱՆ ԲԱՆԱԶԵՎԸ

ԵՎՐԱՀԱՆՐՈՒԹՅՈՒՆԸ ՊԱՇՏՊԱՆՈՒՄ Է ՎՐԱՍՏԱՆԻ ՏԱՐԱԾՔԱՅԻՆ ԱՄԲՈՂՋԱԿԱՆՈՒԹՅՈՒՆԸ

Հունիսի 15-ին Եվրախորհրդարանը միաձայն ընդունեց «Վրաստանի բռնազավթված տարածքները Ռուսաստանի հարձակումից 10 տարի անց» խորագրով բանաձեւը:

Բանաձեւում նշվում է, որ Եվրախորհրդարանն աջակցում է Վրաստանի տարածքային ամբողջականությանը, անկախությանը ու ինքնիշխանությանը, իսկ հակամարտությունների խաղաղ ճանապարհով լուծումը եվրոպական անվտանգության օրակար-

գի հիմնական սկզբունքն է: Ասվում է նաև, որ հակամարտություններն ու Վրաստանի տարածքի շարունակվող բռնազավթումը իրական վտանգ է ներկայացնում եվրոպական երկրների անվտանգության տեսանկյունից:

(Շարունակությունը՝ 2-րդ էջում)

ՀԱՄԱՅՆՔ

ՀԱՆԴԻՊՈՒՄ ՎՐԱՍՏԱՆԻ ՊԱՏՐԻԱՐԷԱՐԱՆՈՒՄ

Հունիսի 8-ին, Համայն Վրաստանի Կաթողիկոս-Պատրիարք Իլիա Երկրորդը հանդիպում ունեցավ Վիրահայոց թեմի առաջնորդ Վազգեն Եպիսկոպոս Սիրզախանյանի հետ:

Հանդիպման սկզբում Թեմի առաջնորդը երախտագիտություն հայտնեց Համայն Վրաց Կաթողիկոս-Պատրիարքին ընդունելության համար եւ հավաստիացրեց, որ Վիրահայոց թեմը անշեղորեն համագործակցում է Վրաց Եկեղեցու եւ Պատրիարքարանի հետ եւ ամձամբ իր հարգանքի



հավաստիքը բերեց Իլիա Երկրորդին: (Շարունակությունը՝ 2-րդ էջում)

ՕՐԱԿԱՐԳՈՒՄ ՎԻՐԱՀԱՅՈՑ ԹԵՄԻՆ ՀՈՒԶՈՂ ՀԱՐՑԵՐՆ ԷՆ

Հունիսի 7-ին Վրաստանի հաշտեցման եւ քաղաքացիական իրավահավասարության հարցերով պետական նախարար Քեթևան Ցխելաշվիլին հանդիպում ունեցավ Վիրահայոց թեմի առաջնորդ Վազգեն Եպիսկոպոս Սիր-

զախանյանի հետ:

Հանդիպման սկզբին նախարարն առանձնահատուկ նշեց հայ երիտասարդների ակտիվ մասնակցությունը «1+4» կրթական ծրագրին, ինչպես նաև՝ ընդգրկված Վրացի (Շարունակությունը՝ 2-րդ էջում)

ԳՈՐԾԱԴԻՐ

ԳԻՈՐԳԻ ԿՎԻՐԻԿԱՇՎԻԼԻՆ ՅՐԱԺԱՐԱԿԱՆ ՏՎԵՑ

(Սկիզբը՝ 1-ին էջում)

վորությունը կառավարության կողմից իրականացվող տնտեսական քաղաքականության հետ կապված հարցեր: Յատկապես ուզում եմ նշել, որ վերջին ամիսների ընթացքում ծագած շատ հիմնահարցերի շուրջ կուսակցության ղեկավարների ելիմ կարծիքները տարբեր էին: Կարծում եմ, այսօր այն պահն է, երբ կուսակցության նախագահին պետք է հնարավորու-

թյուն տրվի, որպեսզի խումբը կազմավորի այն տեսակետների հիման վրա, որոնց հետ անձամբ է համաձայն,- հայտարարեց Գիորգի Կվիրիկաշվիլին:

Յիշեցնենք, որ Գիորգի Կվիրիկաշվիլին երկրի վարչապետի պաշտոնը զբաղեցնում է 2015 թվականի դեկտեմբերի 30-ից: Նշենք նաև, որ Գիորգի Կվիրիկաշվիլին եւ նրա գլխավորած նախարարների գրասենյակը Վրաստանի խորհրդարանում հաստատվեց 2015 թվականի դեկտեմբեր-

րի 30-ին՝ 86 կողմ, 28 դեմ ձայներով:

Վրաստանի Սահմանադրության համաձայն, վարչապետի պաշտոնաթողությանը հաջորդում է կառավարության հրաժարականը: Դրանից հետո, յոթնօրյա ժամկետում, նախագահը պետք է խորհրդարանի հաստատմանը ներկայացնի վարչապետի նոր թեկնածուին, որին կընտրի խորհրդարանական մեծամասնությունը:

ԿԱՌԱՎԱՐՈՒԹՅՈՒՆԸ ԿԳԼԽԱՎՈՐԻ 36-ԱՄՅԱ ՄԱՍՈՒԿԱ ԲԱԽՏԱԶԵՆ

(Սկիզբը՝ 1-ին էջում)

ՄԱՍՈՒԿԱ ԲԱԽՏԱԶԵ. 36 տարեկան, բարձրագույն կրթությունն ստացել է Թբիլիսիի պետական եւ Տեխնիկական համալսարաններում: Մագիստրատուրան ավարտել է Մոսկվայի Լոմոնոսովի անվան պետական համալսարանում՝ 2010 թվականին: Ստացել է INSEAD (Ֆրանսիա) բիզնես-դպրոցի եւ բիզնես-կառավարման մագիստրոսի որակավորում: Տեխնիկական գիտությունների դոկտոր է:

Աշխատանքային գործունեության սկզբում, 2005-2006թթ. եղել է «Վրացական երկաթուղիներ» նախագծի մենեջեր, 2007թ. գլխավորել է «Փոյնթ Ինվեստ Կենտրոն»-ը, 2010-2012 թվականներին զբաղեցրել է Վրաստանի միջազգային էներգետիկ կորպորացիայի գլխավոր տնօրենի պաշտոնը, 2013թ. ապրիլից մինչ 2017թ. նոյեմբերի 13-ը եղել է ԲԸ «Վրացական երկաթուղիներ» գլխավոր տնօրենը: Իսկ 2017 թվականի նոյեմբերի 13-ից զբաղեցնում է Վրաստանի ֆինանսների նախարարի պաշտոնը:

ՎԱՐՉԱՊԵՏԻ ԹԵԿՆԱԾՈՒՆ ՆԵՐԿԱՅԱՑՐԵՑ ԳՈՐԾՈՒՆԵՈՒԹՅԱՆ ԳԵՐԱԿԱՅՈՒԹՅՈՒՆՆԵՐԸ

(Սկիզբը՝ 1-ին էջում)

րի նոր արդարացի կանոններով, որը կվերաբերի Վրաստանի յուրաքանչյուր ընտանիքի, մեր յուրաքանչյուր քաղաքացուն: Մենք կարող ենք ու կկրճատենք խզումը դեմոկրատիայի բարձր չափանիշի ու տնտեսական դրության միջեւ: Բանականաբար, կշարունակենք ժողովրդավարական ինստիտուտների հետագա զարգացումն ու ուժեղացումը:

Երրորդ՝ փոքր կառավարության հա-

յեցակարգն է, Վրաստանին հարկավոր են փոքր, բայց միեւնույն ժամանակ ճկուն ու արդյունավետ կառավարական գերատեսչություններ:

Դրա հետ մեկտեղ, նպատակահարմար են համարում ուժեղացնել այդ գերատեսչությունների ինստիտուցիոնալ ու հասարակական հսկողությունը, նաեւ՝ հակակոռուպցիոն գծով:

Չորրորդ՝ սկզբունքը, որը, պետք է անկեղծ ասեն, իմ կյանքի գլխավոր գերակայությունն է, կրթությունն է, ինովացի-

ան եւ երիտասարդությունը: Հենց նպատակալաց նախաձեռնողական եռանդով եւ, որ գլխավորն է, իր կարողությունների մեջ վստահ երիտասարդությունը կբերի այն արդյունքը, որը կապահովի Վրաստանի տեղը զարգացած տնտեսական երկրների շարքում:

Հենց այդ Վրաստանն է միակ ու այլընտրանք չունեցող առաջարկը՝ մեր արխազ ու օս եղբայրներին, որպեսզի նրանք վերադառնան միասնական ընտանիք,- հայտարարեց Մամուկա Բախտաձեն:

ՄԻՋԱԶԳԱՅԻՆ ՀԱՆՐՈՒԹՅԱՆ ԲԱՆԱԶԵՎԸ

ԵՎՐԱՆԱՆՐՈՒԹՅՈՒՆԸ ՊԱՇՏՊԱՆՈՒՄ Է ՎՐԱՍՏԱՆԻ ՏԱՐԱԾՔԱՅԻՆ ԱՄԲՈՂԱԿԱՆՈՒԹՅՈՒՆԸ

(Սկիզբը՝ 1-ին էջում)

Եվրախորհրդարանը կոչ է անում Ռուսաստանին չեղյալ համարել Վրաստանի երկրամասեր Աբխազիայի եւ Հարա-

վային Օսեթիայի անկախության մասին ընդունած որոշումը: Կոչ է անում անվերապահ կատարել 2008 թվականի օգոստոսի 12-ին կնքված հրադադարի վերաբերյալ պայ-

մանագրում առկա կետերը, հատկապես Վրաստանի շրջաններից ռուսական զինված ուժերի դուրս բերումը:

Եվրախորհրդարանը կոչ է անում Ռուսաստանին՝ դադա-

րեցնել Վրաստանի տարածքների՝ Աբխազիայի եւ Հարավային Օսեթիայի օկուպացիան, եւ հարգել Վրաստանի տարածքային ամբողջականությունն ու ինքնիշխանությունը:

ՀԱՄԱՅՆՔ

ՀԱՆԴԻՊՈՒՄ ՎՐԱՍՏԱՆԻ ՊԱՏՐԻԱՐԺԱՐԱՆՈՒՄ

(Սկիզբը՝ 1-ին էջում)

Վազգեն Սրբազանը Պատրիարքին փոխանցեց Ամենայն Հայոց Կաթողիկոսի ջերմ ողջույնները եւ եղբայրական սերը:

Թեմակալ առաջնորդը Համայն Վրաց

Պատրիարքին ներկայացրեց Թանդոյանց Սուրբ Աստվածածին եկեղեցու հարցը:

Կաթողիկոս-Պատրիարք Իլիա Երկրորդն իր օրհնությունը բաշխեց Սրբազանի խնդրանքին եւ համձնարարեց՝ Պատրիարքարանում կազմակեր-

պել հանդիպում՝ վերոհիշյալ հարցը համակողմանի ուսումնասիրելու եւ լուծումներ գտնելու համար:

Իլիա Երկրորդը Թեմի առաջնորդին խնդրեց իր եղբայրական սերն ու ողջույնները փոխանցել Գարեգին Բ Ամենայն Հայոց Կաթողիկոսին:

ՕՐԱԿԱՐԳՈՒՄ ՎԻՐԱՀԱՅՈՑ ԹԵՄԻՆ ՀՈՒՋՈՂ ՀԱՐՑԵՐՆ ԷՆ

(Սկիզբը՝ 1-ին էջում)

վածությունը վերապատրաստման եւ փորձի ձեռքբերման տարբեր ծրագրերին:

Հանդիպմանը կայացավ Թեմակալ առաջնորդի կողմից առաջադրված՝ Գումբուրդոյի եկեղեցու բակում վերաթաղված ոսկորների վրա իուշաբարի տեղադրման մասին անցած՝

2017 թվականին ձեռքբերված եռակողմ բանավոր պայմանավորվածության, Թանդոյանց Սուրբ Աստվածածին եկեղեցու շուրջ ստեղծված իրավիճակի հարցերի քննարկումը:

Նաեւ Թեմակալ առաջնորդը խնդրեց նախարարի միջամտությունը՝ Վրաստանում գործող փաստացի հայկական եկեղեցիները, որոնց ամ-

բողջական փաթեթը

ներկայացված է կա-

ռավարությանը, իրա-

վաբանորեն Վիրա-

հայոց թեմին վերա-

դարձնելու հարցին:

Քեթեւան Ցիխե-

լաշվիլին խոստացավ

խնդրո այս երեք հար-

ցերն ուսումնասիրել,


անդրադառնալ եւ օգնել

դրանց

լուծմանը:



Լուծմանը:



ԱՄՆ - ԿԺԴՀ

ԱՏՈՐԱԳՐՎԵՑ ՊԱՏՄԱԿԱՆ ՓԱՏԱԹՈՒՂՈՑ

Հունիսի 12-ին, ԱՄՆ նախագահ Դոնալդ Թրամփը եւ ԿԺԴՀ-ի առաջնորդ Կիմ Չեն Ընը համատեղ փաստաթուղթ ստորագրեցին՝ զագաթաժողովի արդյունքների վերաբերյալ: Նրանք միմյանց շնորհակալություն հայտնեցին հաջող անցկացված հանդիպման համար:

ԱՄՆ նախագահի խոսքով՝ Սինգապուրում ստորագրված փաստաթուղթը բազմակողմանի է: Նա խոստացավ «շատ արագ» սկսել ԱՄՆ-ի եւ ԿԺԴՀ-ի հարաբերությունների հետագա զարգացման գործընթացը: ԿԺԴՀ-ի առաջնորդը հայտարարեց, որ աշխարհը մեծ փոփոխություններ կտեսնի պատմական զագաթաժողովի արդյունքներով:

G7

ԱՄՓՈԹԻՉ ՀԱՅՏԱՐԱՐՈՒԹՅՈՒՆ ԸՆԴՈՒՆՎԵՑ ԱՌԱՆՑ ԱՄՆ-Ի

Ֆրանսիայի նախագահ Էմանուել Մակրոնն ԱՄՆ նախագահ Դոնալդ Թրամփին «անհետևողականության» մեջ մեղադրեց «Մեծ յոթնյակի»՝ Կանադայում տեղի ունեցած՝ զագաթաժողովից հետո, որտեղ Սինգապուր Նախագահների ղեկավարը հրաժարվեց պաշտպանել ափսոսիչ պաշտոնական հայտարարությունը՝ Կանադայի հետ տարածայնությունների պատճառով:


«Մենք անցկացրեցինք երկու օր՝ տեքստ ունենալու համար: Մենք հավատարիմ ենք դրան, մինչդեռ նա, ով դրանք թողեց՝ երես դարձնելով, ցույց է տալիս իր անհետևողականությունն ու չհիմնավորվածությունը: Միջազգային համագործակցությունը չի կարող կախված լինել զայրույթից կամ կարծիքից: Լինենք լուրջ եւ արժանի մեր ժողովուրդներին», - ասաց նա:

ՄԱԿԵՂՈՒՄ

ՊԵՏՈՒԹՅԱՆ ՆՈՐ ԱՆՎԱՆՈՒՄԸ՝ ՀԱՆՐԱՔՎԵԻ ԹԵՄԱ՝

Հունաստանը եւ Մակեդոնիան կարգավորել են երկարատեւ, գրեթե 27-ամյա վեճը Հարավսլավիայի այս նախկին հանրապետության անվան շուրջ: Մակեդոնիայի վարչապետ Ջորան Ջանևի խոսքով, երկու պետությունների համար ընդունելի է Հյուսիսային Մակեդոնիա անվանումը: Համապատասխան փոփոխությունը կմտցվի երկրի Սահմանադրության մեջ:

Մակեդոնիայի նախագահը սպառնացել է չստորագրել բալկանյան երկիրը Հյուսիսային Մակեդոնիա վերանվանելու համաձայնագիրը: Ձեռքբերված փոխգիշորմից դժգոհ են նաեւ Հունաստանում: Հույներն առարկում են այն բանի դեմ, որ հարեւան բալկանյան երկիրն անվանվել է ծիշտ այնպես, ինչպես եւ հունական պատմական մարզը Հունաստանի հյուսիսում՝ Մակեդոնիայի հետ սահմանին՝ զգուշանալով հնարավոր տարածքային հավակնություններից: Իսկ Մակեդոնիան պնդում է այդ անվանումը, որն ինքն ընտրել է Հարավսլավիա նախկին պետության տրոհումից հետո:



ՆԱԶԻՏՅՈՒՆ
ՈՂՆԵՐՈՒՄ
ՆԱԶԻՏՅՈՒՆ

ԱՆԱՅՑԵԳՐԱՅԻՆ ՊԱՅՄԱՆԱՎԱՐԳ

ՔՆՆԱՐԿՎԵՅԻՆ ԱՊՕՐԻՆԻ ԱՐՏԱԳԱՂԹԻ ԿԱՆԽՄԱՆ ՀԱՐՅԵՐԸ

Հունիսի 13-ին, Վրաստանի արդարադատության նախարար Թեա Ծուլուկիանին հանդիպում ունեցավ Բելգիայի արտագաղթի հարցերով պետական քարտուղար Թեո Ֆրանկենի հետ:

Բելգիայի պետական քարտուղարի այցի գլխավոր նպատակն է՝ Վրաստանի Եվրամիության երկրներ ապօրինի գաղթի եւ Վրաստանի քաղաքացիների կողմից ապաստարանի անօրինական ստացման կանխումը: Պատվիրակությունը Վրաստանի կառավարությունից տեղեկատվություն է ստանում այն մասին, թե Վրաստանի գոր-

ծադիր իշխանությունն ինչ մոտեցում է ցուցաբերում վերոնշյալ հիմնախնդրի կանխման համար եւ ինչ է անում ապօրինի գաղթի եւ ապաստարանի խնդրագրերի թվաքանակի նվազեցման ուղղությամբ: Վրաստանի արդարադատության նախարար Թեա Ծուլուկիանին հյուրին մանրամասն տեղեկատվություն ներկայացրեց Վրաստանի

կառավարության կողմից ապօրինի արտագաղթի կանխման ուղղությամբ: Բացի այդ, ինչպես նշեց արդարադատության նախարարը, գերատեսչությունը մշակել է կոնկրետ օրենսդրական փոփոխություններ անայցեգրային պայմանակարգի շահարկումների բացահայտման, դրանց թվաքանակի նվազեցման ուղղությամբ:



ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

Փաստից նյութերը հետագա արձագանքման նպատակով, ուղարկվել են Վրաստանի ՆԳ նախարարության քրեական ոստիկանության համապատասխան բաժին:

ՀԱՐՑԱԶԻՐՈՒՅՑ՝ ՆԻՆՈՑՄԻՆԴԱՅԻ ՍԱԿՐԵԲՈՒԼՈՅԻ ՆԱԽԱՐԱՐԻ ՀԵՏ

ՍՄԲԱՏ ԿՅՈՒՐԵՂՅԱՆ. «ՄԵՐ ԿՅԱՆՔԻ ՕՐԵՆՔԸ ԿԱՌՈՒՑԵԼՆ Է, ՎԵՐԱՓՈԽԵԼԸ»

Անցյալ տարվա հոկտեմբերին կայացած տեղական ինքնակառավարման մարմինների ընտրություններից հետո, Նինոծմինդայի մունիցիպալիտետի սակրեբուլոյի կազմը կիսով չափ նորացվել է, ասպարեզ են եկել երիտասարդ, թարմ կադրեր, որոնք ավելի մեծ ուժ ու եռանդ կներդնեն շրջանի խնդիրներն ավելի բարեհաջող լուծելու համար: Մունիցիպալիտետի ժողովի՝ սակրեբուլոյի, նախկին 26 պատգամավորներից 13-ն առաջին անգամ ընտրվեցին: Ընդգծենք, որ նրանք ունեն համապատասխան մասնագիտություն, աշխատում են պատասխանատվության մեծ զգացումով եւ, իհարկե, իրենց ընտրողներին հուսախաբ չեն անում:

Սակրեբուլոյի գործերի, կանխագծումների եւ առաջիկա անելիքների մասին է մեր թղթակցի հարցազրույցը՝ Նինոծմինդայի մունիցիպալիտետի սակրեբուլոյի նախագահ ՍՄԲԱՏ ԿՅՈՒՐԵՂՅԱՆԻ հետ:

- Սմբատ Սեյրանի, ասացեք խնդրեմ, մունիցիպալիտետի՝ ներկայացուցչական մարմնի առանցքային, առաջնահերթ խնդիրները որո՞նք են:

- Մեզ համար առանցքային, գլխավոր խնդիրները շարունակում են մնալ՝ օրինականության պահպանումը, քաղաքապետարանի հետ սերտ համագործակցումը, փոխադարձ հասկացության ու համաձայնության մթնոլորտում մեր աշխատանքների կազմակերպումը: Սակրեբուլոյի գործունեության հիմնական ուղղությունը մունիցիպալիտետում համապատասխան որոշումների ընդունումն է, բյուջեի ստեղծումն ու կատարողականի վերահսկումը:

Վերջին շրջանում նոր, կարելու միջոցառում ենք իրականացնում՝ վերահսկողություն է սահմանվել ֆինանսական եւ մյուս միջոցների ռացիոնալ ծախսման վրա, եւ դրանք իրենց բուն նպատակին ծառայեցնելուն: Այդ վերահսկումն իրականացվում է սակրեբուլոյում ստեղծված հանձնաժողովների եւ աշխատանքային խմբերի միջոցով:

- Գիտենք, որ մյուս բնագավառները եւս աչքաթող չեք անում... ուշադրության կենտրոնում եք պահում:

- ...Իհարկե: Ամենեւին էլ անտարբեր չենք կարող անցնել շրջանում տեղի ունեցող տնտեսական, սոցիալ-մշակութային, մարզական եւ այլ ծրագրերի կողքով: Ցավոք, պետք է ասել նաեւ, որ մեր ֆինանսական միջոցներն անբավարար չեն, որպեսզի կարողանանք կենսագործել բնակչության մոտ առաջացած բոլոր պահանջները:

Բայց, մեկ անգամ եւս ուզում են ընդգծել, որ վերջին տասնամյակում լուրջ տեղաշարժեր են կատարվել մեր կյանքում: Այստեղ չենք կարող չնշել այն իրողությունը, որ հիմնովին վերափոխվում ու նորոգվում են ճանապարհները, իսկ մինչեւ 2020 թվականի ավարտը՝ լրիվությամբ կասֆալտապատվեն Նինոծմինդա քաղաքի փողոցները, դրան զուգահեռ կավարտվի շրջկենտրոնի կոյուղու շինարարությունը: Սկսվել է կենտրոնական մայրուղիներից դեպի գյուղերը տանող ճանապարհների ասֆալտապատումը (Ջիգրաշեն, Մեծ Արագյալ, Յեշտիա եւ այլն): Մեկընդմիջտ կայունացվել է էլեկտրաէներգի-

այի անխափան մատակարարումը, լուծվել է բնակչությանը խմելու ջրով ապահովելու տարիների հիմնախնդիրը, այդ թվում՝ վերջնականապես կկարգավորվի քաղաքը խմելու ջրով ապահովելու հարցը (Դիլիֆից եւ Յեշտիայից դեպի շրջկենտրոն կառուց-



վող ջրատարների գործարկումով): Չենք կարող չնշել, որ գազը մույնպես հաստատ մուտք է գործել մեր կենցաղ, եւ դա շրջանի ներքին տարածքում, բայց, ցավոք, մեր բարձրադիր համայնքներում դեռեւս գազամուղներ չեն գործում, սակայն, այս ուղղու-

թյամբ եւս միջոցառումներ ձեռնարկվում են: Հուսով ենք, որ մինչեւ 2020 թվականը, պետության աջակցությամբ, շրջանի բոլոր բնակավայրերը կստանան երկնագույն վառելիք: Այստեղ անհրաժեշտ ենք համարում ասել, որ շրջանի վերափոխումների բոլոր բնագավառներում էլ ուրույն դեր ունի երկրի խորհրդարանի մեր Նինոծմինդա-Ախալքալաքի պատգամավոր Յենգել Մկոյանը:

- Առաջիկա անելիքները եւս շատ են, այդպես չէ՞:

- Իհարկե: Կյանքի ընթացքն այնպիսին է, որ ինչքան ուզում ես կառուցիր, վերափոխիր, բայց վերջ չկա, անընդհատ նորանոր ծրագրեր են ծագում, նոր պահանջներ ու նոր անելիքներ: Անհրաժեշտ է գյուղատնտեսական հողերը բերել հարկային դաշտ, որպեսզի այդ հարկերից գոյացած գումարները համալրեն տեղական բյուջեն: Խոսքս ոչ միայն հողերից ստացվող հարկերի մասին է, այլեւ՝ բոլոր տեսակի ռեսուրսներից (ավազահանքեր, ջրային ռեսուրսներ եւ այլն):

- Այնուամենայնիվ, Նինոծմինդան, որպես գյուղատնտեսական շրջան, անհրաժեշտ է առաձնահատուկ ուշադրություն դարձնել տնտեսության այդ ճյուղի զարգացման վրա:

- Այո, մեր կյանքում, վերջին հաշվով, վճռորոշը գյուղատնտեսության զարգացումն է, գյուղմթերքների արտադրության հետագա աճն ու իրացումը: Յետեւապես, ժամանակն է ստեղծել նաեւ գյուղմթերքների արտադրության եւ իրացման ժամանակակից բազա: Դա եւս խթան կհանդիսանա, որպեսզի բնակչությունն ավելի ինտենսիվ զբաղվի մթերքների արտադրության ու իրացման գործով:

- Ցավոք, առայժմ մեր ֆինանսական միջոցները բավարար չեն լայնածավալ շինարարություն իրականացնելու համար: Մենք էլ, իհարկե, բավարարվում ենք առկա հնարավորություններով, առավելապես վերականգնողական աշխատանքներ կատարելով: Շինաշխատանքների ծավալները մեծացնելու հնարավորությունը կախված է նաեւ տեղական հարկերից ու պետական սուբսիդիաներից ստացվող միջոցներից: Որքան շատ նյութական միջոցներ ունենանք, այնքան ավելի կմեծացնենք շինարարական օբյեկտների ծավալը: Միայն մի բան պարզ է, որ շինարարությունը երբեք չենք կանգնեցնի: Առաջիկայում դարձյալ շարունակելու ենք մշակութային, կենցաղային ու մարզական օբյեկտների, ենթակառուցվածքների վերակառուցումը, մասամբ էլ՝ նորերի ստեղծումը: Դա է մեր կյանքի հիմնական օրենքը:

- Հնորիակալություն, հարցազրույցի համար:

Հարցազրույցը՝ ՄԱՆՈՒԿ ԿԱՐՄԻՆԱՆՅԱՆԻ

ՀԱՐՑՈՒՄ

ՆՈՐ ՏՎՅԱԼՆԵՐԸ՝ ՍՈՑԻԱԼԱԿԱՆ ԻՐԱՎԻՃԱԿԻ ՀԱՅԵԼԻ

ՄԱԿ-ի մանկական հիմնադրամի (UNICEF) կողմից անցյալ տարի անցկացվեց «Բնակչության բարեկեցության հետազոտություն-2017» հարցումը: Այն անցկացվեց Վրաստանի իշխանությունների կողմից վերահսկվող բոլոր երկրամասերում եւ հարցաթերթիկը լրացրեց 4697 տնային տնտեսություն: Հարցման տվյալները որոշակիորեն ներկայացնում են երկրում ստեղծված սոցիալական իրավիճակը:

ՏՆԱՅԻՆ ՏՆՏԵՍՈՒԹՅՈՒՆՆԵՐԻ ԵԿԱՄՈՒՏՆԵՐՆ ԱՎԵԼԱՅԵԼ ԵՆ

ՄԱԿ-ի մանկական հիմնադրամի հարցման տվյալներով, 2015 թվականի համեմատ, 2017 թվականին Վրաստանում տնային տնտեսությունների եկամուտները զգալիորեն ավելացել են: Եկամուտների աճը հիմնականում պայմանավորված է աշխատավարձի ավելացմամբ եւ ինքնազբաղվածների եկամուտների ավելացմամբ: Հետազոտությունների համաձայն, հարցման ենթարկվածների 31 տոկոսի մոտ աշխատավարձն ավելացել է: Միջին հաշվով այն ավելացել է 95 լարիով եւ կազմել 403 լարի: Եկամուտների աճի ընդհանուր ծավալում աշխատավարձի նոսրացումն աճը կազմել է 15,6 տոկոս:

Ինչ վերաբերում է ինքնազբաղվածների եկամուտներին, ապա, այն ավելացել է 51 լարիով եւ կազմել 147 լարի, ինչն ընդհանուր եկամուտների ծավալի 8,4 տոկոսն է: 30 լարիով ավելացել է սոցիալական նպաստը, այն կազմում է 173 լարի:

ԱՐՔԱՏՈՒԹՅԱՆ ՀԵՄԻՆ ԱՊՐՈՂՆԵՐԻ ԹՎԱՔԱՆԱԿՆ ԱՎԵԼԱՅԵԼ Է

UNICEF-ի կողմից անցկացված հարցման արդյունքներով, Վրաստանի բնակչության 5 տոկոսը, երեխաների 6,8 տոկոսը եւ կենսաթոշակառուների 3,7 տոկոսը ապրում է աղքատության շեմին: Ընտանիքում ապրող յուրաքանչյուր անձի ամենօրյա ծախսը կազմում է շուրջ 3 լարի, ինչը մեկ չափափաս անձի համար ամսական հասնում է 82,8 լարի: Հարցումը ցույց տվեց, որ, 2015-ից մինչեւ 2017 թվականը, աղքատության շեմին ապրող բնակչության երեխաների եւ կենսաթոշակառուների թիվն ավելացել է, համապատասխանաբար, 2,9, 4,3 եւ 2 տոկոսով:

ԲՆԱԿՉՈՒԹՅԱՆ ՈՐՈՇԱԿԻ ՄԱՍԸ ՀԱՄԵՆՎԱՆՈՒՐ ԱՊԱՀՈՎԱԳՐՈՒԹՅԱՆ ՄԱՍԻՆ ՏԵՂԵԿՈՒԹՅՈՒՆ ԴՈՒՆԻ

ՄԱԿ-ի մանկական հիմնադրամի կողմից անցկացված հարցման արդյունքներով, բնակչության 11 տոկոսը տեղեկություն չունի համընդհանուր առողջապահության ծրագրի վերաբերյալ, թեպետ 82 տոկոսը այդ ծրագրում է ներգրավված:

Հարցման տվյալներով, 2017 թվականին մեկ չափափաս մարդու կողմից առողջապահության համար տարեկան միջին ծախսը կազմել է 430,7 լարի, ինչը 84 լարիով գերազանցում է 2015 թվականի ցուցանիշը:

Հարցման տվյալներով, 2015 թվականին տնային տնտեսությունների ընդհանուր թվի 43,1 տոկոսի առնվազն մեկ անդամին պահանջվել է բժշկական սպասարկում, ինչը ֆինանսական առումով անմատչելի էր: Երկու տարի անց, նման տնային տնտեսությունների թիվը կրճատվել է եւ ներկայումս կազմել՝ 22,3 տոկոս: Ինչպես նշում են վերլուծաբանները, թվաքանակի նման նվազումը պայմանավորված է համընդհանուր առողջապահության ծրագրի արդյունավետությամբ:

